

近代史資料

JINDAISHI ZILIAO

近代史資料

JINDAISHI ZILIAO

总 35 号

中国科学院近代史研究所近代史資料編輯組編輯
中 华 书 局 出 版

近代史資料

总 35 号

中国科学院近代史研究所
近代史資料編輯組編

*

中華書局出版

(北京復興門外翠微路2号)
北京市書刊出版業營業許可証出字第17号

中華書局排版厂印刷

新华书店北京发行所发行 全国新华书店經售。

*

787×1092 毫米 1/25·7 1/25 印张·149,000 字

1965 年 9 月第 1 版

1965 年 9 月北京第 1 次印刷

印数 0,001—4,000 定价 (9) 0.85 元

統一書号 11018·577 65.8.京型

2428/13

編輯 凡 例

- 一、選輯較有價值的原始資料及經過初步整理的史料性的文章，供歷史科學工作者參考。
- 二、編次分為原始資料和整理史料的文章兩部分，各按所述歷史事件的時間順序排列。
- 三、原始資料，不拘正文或原註，均酌量選錄或刪節，但不作內容和文字上的改動。
- 四、編者在每篇資料之前酌加按語，說明其來源、原作者立場與參考時應注意之處。
- 五、資料中難免有敘事失實、觀點錯誤之處，反動統治階級的言詞更有污蔑人民和歪曲事實之處，編者均酌加註釋。
- 六、資料中殘缺之字，以□代之。資料中錯字、別字和衍文的校勘以及其他簡單註釋，均加在正文之內以〔 〕號表明。較長的註釋列在正文外，以陽文①號表明。佚文的增補以【 】號表明。
- 七、編者按語和校勘、註釋均以編者所知為限，不知者闕之。
- 八、紀年原文用陰曆者，酌註公曆；原文用公曆，在一九一二年元旦以前者，酌註中曆。

目 录

张勳藏札	史 华 (1)
郑孝胥丙丁日記	中国历史博物館供稿 (63)
附:郑孝胥致升允函	
沈曾植函稿	王益知注释 (85)
胡思敬致刘廷琛函	武志平整理 (91)
丁巳同难图記	(94)
附:朱江墓志銘	
复辟阴谋紀实	(98)
退庐笺牘(选录)	张錦貴整理 (102)
林权助笔下的張勳复辟	楊凡譯 邹念茲校 (109)
张勳与佃信夫	邹念茲譯 (118)
吉林督軍孟恩远响应复辟	(138)
张勳逃匿荷兰使館交涉文电	(141)
升允复辟阴谋	刘 鋒輯 (147)
日本与宗社党的关系	章伯鋒譯 邹念茲校 (159)
关于《金錢会紀略》一文錯漏的校正	姜錦录 (170)

張勳藏札

史 華

編者按：本篇所輯信札七十九件，均选自張勳的《松壽堂來鴻集》。集內蒐藏軍閥官紳和復辟分子的信件，起于一九一六年五月，止于一九一七年五月，多系致張勳（包括致其親信的几封）的密信。這一批信件，為研究這段歷史提供了許多重要的參考資料。

全部信件內容很廣泛，其中涉及重大政治事件的材料，大致可概括為以下三方面：一、洪憲帝制失敗後，袁世凱的親信聯絡並利用張勳破壞南京會議的秘密策劃；二、在對德參戰問題上親日派段祺瑞與親美派黎元洪的明爭暗鬥，及其他軍閥官紳派系企圖攫取權力的活動；三、以張勳為首的復辟派親德聯日和利用段、黎矛盾陰謀復辟的情形。其中特別值得注意的是，復辟分子金永、張鎮芳、雷震春、阮忠樞、商衍瀛等在密信中所暴露的各種事實。他們隨時為張勳出謀獻策，詳盡地談到復辟計劃和進行步驟，以及和帝國主義、軍閥官紳的勾結情形；同時，各據見聞，把北洋軍閥政府內部派系紛爭的複雜關係、帝國主義勢力物色和支持其代理人的幕後活動，一一和盤托出。這些具體材料，有助於了解所謂“府院之爭”和復辟丑劇的背景，並可與本期各篇有關事實互相補充。

《來鴻集》中一部分原信註明有附件，但俱已散失。本篇刊出的正文，經編者畧加整理，將致張勳及其親信各件分作兩起，均按時間順序編次；有些信件年月不詳或陰陽曆間用，則根據內容能大致確定者，在標題下註明公元時間。信件前面酌加標題。文中刪去空話的地方，用省畧號表明。有些人名、地方和事件等，亦據所知者作了簡單註釋，以便讀者檢閱。

曹汝霖函 一九一六年五月十日

紹軒上將軍麾下：

比來時事多艱，仰賴砥柱東南，維持大局，回念桑梓，欽感尤深！內閣成立，猥以菲材，膠膺重任，際茲時局，尤懼弗勝，然不敢不勉竭

涓埃，補苴萬一。倘承惠教，欣幸奚如！

溯自籌安議起，當以歐戰方酣，國基未固，強鄰伺隙觀衅，我以機會予之，于時未可，惴惴焉常以為慮。未几而警告突來，未几而滇、黔發難，外患內亂，先後交乘。在當時外人心理，不過希望延期，以保均衡之勢，即對於滇、黔方面，亦以為兵力財力決非中央之敵，初亦不甚介意。惟日本逼處同洲，乘時而起，調查之武員，不絕于道，倣擾之省分，自由設領，司馬之心，固路人皆見矣。惟彼國內情，黨派紛歧，政見不一，陸軍、外交，時相參商，或主明助，或主陰煽，各張一說，各行其是。而其老成持重者，概以中國擾亂為日本切身之禍；又以中國具統治能力者，今元首外，尚未見其人，深恐中國瓜分，日本失去商業上之尾閭，故亟須維持有力之元首，以冀將來之提携。反對此說者，則謂中國統一，即不便于侵略。今元首英明果斷，歐美與國，深表同情，常主中國，非日本之福。第以列強之關係，不敢昌言干涉，冀倖反對之聲愈高，則人心愈去，股肱勳旧，聯袂偕隱，釀成孤立之勢，乃收漁人之利。

自帝制取消，老成再起，日人之觀察一變。以為外交措詞，祇求延期。今竟根本取消，轉覺失所凭藉。兼以徐、段諸公復任國事，南北各省依然擁護，知大總統勢力之不可輕侮，中國人道德之未可輕量。且自粵省黨人滇內訌之慘劇，浙江都督未几交替，彼益信群雄逐鹿，不足以圖成也。稍稍知元首若決然歸隱，恐群龍無首，擾攘正無已時。惟為浪人派挾持，未便頓變態度，故其政府對於我國，始終持旁觀態度。至外交關係從未間斷，即承認帝制之時，外交文書元首稱謂一仍其旧。故各國視大總統地位，至今未嘗或異。承認取消，國人以為有關信用，貽為口實。要之，于外交上固絲毫未受影響。惟彼中浪人，造言挑撥，藉端投機，曰扶助宗社，曰扶助某黨某派，无非肆其鼓簧，以謀破壞。而彼國當軸，方矢口不認，誠以國際礼仪所在，列強均勢所關，即使有所希冀，亦祇能乘我紛紛自擾之時，以遂其陰謀之計，決不至竟冒不韙，显行干涉。近日陸公使歸自東京，詳述彼國內情，與夫當道各方面之意見，証以平日之研究，大致正復相同。苟我桓桓元老，顧念國家前途，非亟謀統一，不足以消弭禍亂。趁此大局尚未糜

烂之时，拥护国际公认之元首，戮力同心，行动一致，則彼邦老成人，固方希冀欽敬之不暇，即一、二野心家，亦必随风轉篷，更变宗旨。天如悔祸，南服归誠，則旋乾轉坤之功，惟將軍是賴。

邇者，徐州會議^①以来，彼知我内部團結已堅，東京各報，故紆緩其詞，謂退位之說，可望取消。北京机关新聞，則謂徐州一会，态度頓明，退位之說，决計作罢。以彼国輿論，數月來极力主張之論調，幡然一变，則其用心所在，可以默為探測。然其浪人無賴，挾我暴烈分子，轉恐其目的之不能達，故于山東方面，积极進行，希圖扰乱，志在直逼北京，橫斷交通，以制東南。上海亦有匪襲策海之事。南北并举，險象环生，若不急求解决，以策安全，恐神州陆沈，即在目前。而其政府之宗旨，又将随而為轉移，存亡問題，恐不在元首而在我全国也。若能速定方針，則嗣后日本态度亦必一变，而我乃能讲对待之方，以維持大局。汝霖于外交學識，自愧淺薄，不过以平日所得之实情，敢荦一二，幸賜鑒察。附上陆公使节略一通，并备参考。际茲风雨飄搖之會，家国安危，千鈞一髮，不得不以障百川挽狂瀾之力，屬望于將軍焉！尚祈俯采為幸。并希極密，幸勿宣露。敬請台安。

曹汝霖謹上。五月十日。

阮忠樞函 一九一六年五月二十五日

紹軒老長哥爵帥节下：

敬密啟者：昨专弁竇上一函，附敬日密電稿一件，計邀偉贊。南方代表到甯會議，預料必无良好結果。除已由兩濛電暨敬電先后詳達外，似尚須續為之備，以資對待。謹略陳如左。

一、擬請尊處商同丹帥^②迅約各省同志代表，彙集徐州，結成團體，預備各種抵制甯垣之法。

一、各省長官與尊處暨丹帥向表同情者，而其所派代表，巧弄唇舌，當場搗亂。擬請尊處與丹帥迅電該省長官，詰其是否與之同意。

① 此處徐州會議，系指五月五日馮國璋赴蚌埠邀倪嗣冲同到徐州與張勳會商召開南京會議的事。

② 倪嗣冲字丹忱，或書丹臣，時任安徽省長。

如非同意，即電請其撤回原代表，另派新代表。

一、尊處與丹帥可以長江巡閱使、副使名義，另行召集沿江各省軍官代表，成一團體，發表宗旨。

一、無論用何方法，凡由尊處與丹帥召集各省代表，結成團體後，即可聯盟簽約，推其中一、二人為盟長、副盟長，專以挽留元首，勿遽退位，為惟一之根本主旨。

一、聯盟簽約後，即可正式報明中央政府，並通電宣告各省，謂聯盟者已主張一致，不得再有磋商之余地。有異議者，當公同以強硬之手段對待。如梁啟超在廣東開會，經龍子澄^①部下胡令宣一罵而逃，彼輩固非不惧強硬者也。

一、元首即允退位，聯盟各省當正式發表意見，以大義相責。苟繼任未得適當之人，與善後種種辦法未經確定以前，不敢遽聽輕言高蹈。

以上各節，略具大意，用備采擇。公與丹帥如另有救時良法，自可加入。惟當此中國存亡千鈞一髮之秋，不得不賴公與丹帥力擔危局耳。希密轉丹帥為叩。匆匆，敬頌爵綬。

閱後請付丙。

如小弟忠樞頓首。五月廿五日。

再密啟者：各省駐甯代表，尊處可速會同丹帥電致各該省長官，請其密飭各該代表，迅即離甯。寧垣會議現狀如此，自應將甯撤開。赴徐。由各省長官密飭，較為不著痕迹。其不同意各省，則不必勉強，務得真正堅固之團體。其長官同意而所派代表假借搗亂者，則請照前函第二項辦理。希卓裁為叩。載頌政祺。

小弟忠樞頓首。

阮忠樞函 一九一六年五月三十一日

紹帥老長哥大人賜鑒：

本日所上卅一號電，計已達覽。茲將預備各省代表蒞徐後應議節略，另紙繕呈，以供采擇而付討論。如各代表一致贊同，即請囑各該代表將節略中大要各端及討論贊同情形，分電各長官。俟得復認可

^① 龍濟光字子誠，或書為子澄、紫丞。

后，即拟請尊处会商丹帅，挈同认可之各省文武长官，联銜电致院部及在京政軍警各机关，与夫业經号称之独立各省。即以此节略改为通电底稿。盖专持不退位之說，固属根本上之惟一宗旨。然所以不能退位之理由，与退位后之危险，以及将来自由退位之办法，必須逐层声明，得大多数之同意，方足以昭示天下，而期可折服彼方面之口，且以見此次在徐會議解决之价值。所以通电已独立各省者，并非定要其贊同，但以表示此方面之結合团体，系一致如此解决而已。此件将来自系由公領銜发电，尙希卓裁办理。再，原节略，系某厅长、某內史匆匆奉拟，經弟略加刪削，并祈密交公雨^①兄审定为荷。其大綱自与尊旨相合，其字句間或尙有应酌之处也。匆叩爵綬，順賀节喜。如小弟忠枢頓首。五月卅一日灯下。

請付丙。

敬再密启者：南京會議既拟設法打消，所有公举东海一层，虽已得各省贊同，請暫緩宣布。且南方各省如何复馮，及梁任公是否足以代表彼方面，并允否赴甯，尙不可知，須看下回分解耳。載叩政祺。

請付丙。

小弟枢又頓首。

陈重庆函^② 一九一六年五月

督帅鈞鉴：

二十四日由运署轉呈要函，諒达鈞覽。函中所說，緝私十七营拟裁十营，即以此項的餉，练一劲旅。随后探訪，始知其誤。盖緝私之餉，皆出商家，非提盐課。若改緝私为綠营，商必不願。昨往晤右常，已与言之。但季光恩囂然自大，岂肯受运使节制！能由帅部派一統領，便与运使呼吸灵通，名曰緝私，实儲大用。前日喧传白鎮峻青^③兼統淮北緝私，极为欣喜，嗣乃知并无其說。現在日照失守，贛榆喫重，白鎮扼守边防，正当万紧。前函曾說及此一路，今果然矣。南京會議星

① 万绳武，初名绳武，字公雨，江西南昌人。民国后充张勳秘书长，助张勳复辟，授內閣閣丞。

② 陈重庆为清安徽巡撫陈彝之子。

③ 白宝山字峻青，时任江苏海州鎮守使。

散，自必仍出于战，将来之結果亦必不出下走之所料。报章載有我帅进京会商之說，未必其真。倪可入都，帅必不可，敢用叩馬而諫。昨日有人自南京来，頗有說我帅宗社党者，此等风声，岂有不达輦轂，千万慎重。舍姪德慈，現任宁国县，因与浙境毗連，时有軍事交涉，稟求代懇我帅，給一营务处銜。昔宦东省，所有州县悉兼营务处銜，想可援例邀准。又揚州警佐沈县丞墀，人頗精幹，仰瞻威望，窃欲依附末光，亦求賞給一营务处銜。从此巡警一营，暗归我帅部分，右常总理营务，該警佐亦卽是其属員，于大局頗有所益。但此祈請，应稟由运署轉詳。該警佐因系初次晋謁，未敢妄干，故具履历来，乞为代递，并求俯准。肅請崇安。

重庆謹上。廿八日。

徐树錚函一九一六年八月二十九日

紹軒上將大公祖閣下：

昨奉环示，藉审兴居康胜。远伯^①来京，面述尊恉，敬承一切。中外提携，以維国脉，高怀远識，欽佩无涯。专复，敬請大安。

弟徐树錚頓首。八月廿九日。

陈澹然函一九一六年九月十八日

大帅鈞鉴：

頃自都还，深察日人阴谋益急，党人締結已深。近有二事，尤足促亡，倘得我公急电抗爭，或可稍緩旦夕，幸垂察焉！

日中将青木宣純久于中国联邦之議，促我內分，想邀洞鉴。西南兵起，无事不与其謀。阴六月十五北京日报載其与日政府函，力劝助南以財，使軍院不消，藉扫北洋派势力，併吞北地，方可无劳，其用心如此。而孙、唐諸人乐其助己，暱为腹心，顧問之謀，沪成秘約。壬子春，澹然切諫項城利用党人，謂其一失意，必連外人以傾中国，引法革党为言，不听。稿存。此番密薦黃陂，乃竟許之。前者，項城聘有賀长雄，澹然即謂其忧盜賊不知藏金，召为管庫，切諫不从。厥后胶濟假道，帝制速行，皆出长雄

① 张志潭字远伯，时任国务院秘书长。

之賜，遺禍至今。青木雄才，實高有賀，一為聘入，其禍更深。此其一。

歐戰未平，銀團均無實濟，英、法借資美國，俄人借資日人，日承俄債票未售清，此三月間，四國何來巨款？報稱日人代借四銀團八千五百萬，三月告成，以湖南水口山、安徽太平兩鐵礦為酬報，由政府向銀團聲明等語。則是一舉而以財政、外交兩大權拱授日人，國何以立？日勢至今，北方萬難自守；湘、皖鐵山，西人化驗，稱其遠勝大冶。倘能自辦，南方尚可圖存。萍冶未清，豈可更循復轍。此其二。

且西報稱，前事為統監變相。今交閣議，倘定軍事顧問，則諸帥一動一靜，皆不能不聽彼指揮。後事則美款已為日破，非自謀財政，不能自存。另擬數條，容當呈覽。澹然在都踰月，深窺國事，徒喚奈何！已由漢赴甯，辭去蚌差，暫棲江表。慕公強毅，敢貢其愚。敬頌鈞安。伏惟鑒察。

陳澹然頓首。八月廿一。

再，太平、繁昌鐵礦共五山，尤近水口。癸丑冬，敵門人李達九輩購之，由懷甯劉生盜賣于日。此鐵經西人化驗，實過大冶。前經李仲仙、楊杏城^①電爭，倘荷保存，豈特皖人之幸。

王士珍函一九一六年九月二十三日

紹軒仁兄鑒右：

山川間隔，把晤無繇，引企光儀，渴想何似！年來風雲倏擾，國事傍徨，而台端謀慮深遠，力保完全無缺之區，不使稍生障礙，故善後收束之繁，政府得以專力于業經破壞各省。茲幸大局蠲平，漸回原狀，追溯功首，豈在異人。然近者流言時起，恆顛倒失實，滋人憤慨。弟居在京師，中央暨東南各方面情形，或目睹而得其真，或調查而明其實，知之既稔，敢為左右一一布之。

夫國會往者謬失，固已無可諱言，然今頗力矯前非，思為晚蓋。政府設施，極為擁護，雖其中不无一、二不純分子，究之穩健者占居多數，絕不至再蹈復轍。其外間相傳，議會欲與政府為難，純系陰賊者捏造架設，故挑惡感。兩院中不乏明通之士，萬不至為所愚弄，橫生無

① 李經羲字仲仙。楊士琦字杏城。

意識之枝节，可以断言。至于行政用人，大總統与总理均力持穩慎主义。凡前大總統經營未竟之謨，則廣續进行，期收明效，有如蕭規曹随，不事徇奇矜异，或有小小变通，而大政方針，确无更易。是以人惟求旧，重經驗而不取浮囂。即如公府中收发、传达两处，均仍属前大總統所用之人，据小以推，可以概見。其新党内素以明达見称者，亦間擢一、二，試以磨礪，一則示至公无頗之怀，一則杜飞短流长之口。万几之务，有总理綜攬其全，有大總統裁决于上，事权統一，根本不搖，縱使覬覦者有所生心，亦焉能触坚固藩籬，妄思其逞。

若夫广东方面，現薩、朱两使^①既到，軍艦統归一馭，李軍^②引退，龙督^③如令交代，至紛之局，已經解决。湘、川、黔、桂、滇南諸省，与西林^④悉一致，事事与中央接洽，听候处分。軍隊則就旧有者，取足分配为限，軍兴所增，悉从汰遣，輕人民之負擔，随政府之指导，向如胡越，今近水乳，此实日来良好之現象也。惟是强邻日逼，予我难堪，內忧虽已告紓，外侮倏焉又至。加以財政枯竭，呼貸无門，乏米为炊，慄慄可惧。所幸东南各省，慮能及此，速为收拾之謀，協力同心，共顧危局。想諸公愜怀国事，夙具热忱，当能疾起直追，必不落他人之后。弟衰病侵寻，久拟蓬茅息影。第念时事方殷，感生家国，而大總統又以大义相勗，故不得不暫承軍幕之乏，以尽义务，竹头木屑，窃願随梁棟而供效焉。秋寒漸深，务希为国珍摄。祇頌台祺。諸惟心照不备。

愚弟王士珍鞠躬。九月二十三日。

阮忠樞函 一九一六年九月二十六日

紹帥老长哥大人节下：

敬密启者：金道坚^⑤兄来京，与弟晤談数次，以时局危迫，险象环伏，为我公計，为大局計，为全国四万万人身家計，深筹熟慮，言之孔

① 薩鎮冰、朱庆澜。

② 指李烈鈞所率进驻广东的护国軍。

③ 广东督軍龙济光进攻李烈鈞被击败，北京政府命龙为两广矿务督办，率部退駐海南島。

④ 指岑春煊。

⑤ 金永字道坚，清末曾任知府，民初任山西巡按使。

长，与弟私見略同。弟一时未能造謁，道兄专为此事，拟日內赴徐面陈，务希拨冗与之詳商，俾得早日着手进行，幸甚。手此，敬叩政綏。

如小弟忠枢謹密上。九月廿六号旧历八月廿九日灯下匆泐。

龙觀光函一九一六年九月

紹公麾下：

久未祇候，渴想为劳。粤东事，中央以和平为主，曲就党人，要求宁息，目前苦衷如揭。刻下飭令舍弟交代，部下允带五千人駐紮瓊崖。服从命令，軍人天职，亟应南移，藉明心跡，觀亦电速之矣。南北对峙，彼党深心，粤既归其掌握，兼以閹員占其半数，大势成矣。权利爭竞，行愈猛烈，国家前途，未堪設想。异日狂瀾手挽，微公誰属？舍弟粗犷，然亦健者，使予袍澤，未为无用。孤懸海外，适等弃置，况遭嫉視，难免攻击。鄙意拟請我公代为設法，到瓊崖后，密商中央，将其內調，俾得效忠于国，亦得就教麾下，获益实多。感恩知己，图报有日。我公高誼薄云，用敢申請，惟諒不尽。順敬大安。

晚龙觀光謹肅。九月三日。

段祺瑞函一九一六年十月一日

紹軒仁兄上将鑒右：

久睽光霽，无任馳思。秋风薦爽，兴居曼福为頌。弟以病軀，謬肩重任，所冀中外維繫，宏济艰难，共为途轍之循，庶靖风波之险，尙賴故人时匡不逮。张秘书志潭，奉詣台端，詳达近状，祈进而教之为幸。手泐，肅頌台安。

弟段祺瑞頓首。十月一日。

陈重庆函一九一六年十月四日

督帅鈞鑒：

两上密緘，賜不幸言而中，政府果有煌煌大文矣^①。項庄舞劍，意在沛公。其成法为治，即孙、黃約法。其合众集議，即徐州开会。其

① 指一九一六年九月二十九日北京政府禁止軍人开会干政的命令。

凌軼范围，即武人干政。其隐庇逃亡，即段芝貴帝制派諸人。其排斥官吏，即唐、张弹劾。其树植党援，即十三省联合。其筹善其后，即干戈相見。懦夫觀此，亦不能受，况大英雄大豪傑乎？然仅与断絕关系，将来史冊所书，亦不过如蔡鍔輩之独立，名实何存焉？为我帅計，只有复辟，是为正路。

政府所恃为援，乃在南軍，然而远水不救近火。极可虑者，徐州之后路是也。何謂徐州后路？江北是也。南軍由他路攻我，各省联盟，皆有抵挡。惟以兵輪載兵，由吳淞口入江，直扑揚州；二馬^①既力辯未尝列名劾唐，則南軍攻揚，必坐視不救。揚州仅一千余不能任战之兵，所儲鉛彈仅敷一日之用，是直入无人之境。淮揚相依唇齿，清淮一扰，大营有后顾之忧。务求謀定后发，至少先派十营来揚，以資堵扼。帅若攬有江北，則苏、皖、齐、豫四省經略之势成。然后举兵北征，废昏复辟，万代瞻仰，在此一举。我帅固为回天捧日之元臣，下走亦有附凤攀龙之一日。臆揣所以不肯先发难者，誠有鉴于胜、广也。不知情形与彼时迥异，云集响应，共誅无道秦，彼南軍远在遐陬，何能与北方爭胜？橫覽形势，将来恐以江为界，皖南邻浙，未必不裹而胁之也。孔明征蛮，亦先定南路。駐揚劲旅，千求于未发动十日前先行筹拨，是所叩禱。三上密謀。祇請崇安。

重庆謹上。九月初八日。第十一號。

陈重庆函

帅昔复书，有我倡之誰和之一語。今則同志孔多矣。度群雄起义，告以为跋扈之藩鎮，不若仍戴天王之圣明。諸公多亦旧时大仔，断无有起而非之者。此时独立紛紛，正盼一人为領袖耳。帅或以此鼓舞歆动之耶！謹再上。

曹和济函一九一六年十月九日

姑公大人慈鉴：

在徐叩謁，喜見精神极好，欣慰万状。匆匆叩別，依恋尤深。行抵

^① 指馮国璋。

南昌，省議會于日昨開幕，得老人有電相賀，同人均喜形于色，以為對於桑梓情深也。頃得一最有關係于鈞座者，謹密陳之。昨日張繼及國會議員彭允彝、湖南人。李肇甫，晚車來省，秘謁軍民兩長，并拜省議會議長。聞此來為報告同盟之局已屬和平，金陵大帥為聯絡鄂、贛督軍，由渠等接洽。將來副總統一席，即以票舉為報酬等語。行踪極屬詭秘，已于今早早車赴潯，大約赴鄂省去矣。此事望老人格外注意。大約鈞座向抱熱誠，而別人可以勾動，此則甚屬危險。然公宗旨純正，切望始終以和平處之。至戚而受恩深，不得不秘陳之也。敬叩福安。

內姪孫曹和濟謹稟。九月十三日。

李廷玉函一九一六年十一月二十八日

少軒大帥鈞鑒：

刻聞總理請假六日，大約去職不遠，此席仍須菊老^①接充。伍外交長^②已抵津，日內到都就任。老西開交涉，專待伍總長；前在江西會館開全國公民大會，為外交後援。惟伍公就職後，須將外交次長推翻，以洩公憤。近日調查劉符誠、前外交秘書。王麟閣、前直隸交涉員。王克敏，前交涉司。在老西開有無購地。如查出確有購地，擬即設法充公。合併報聞。此頌麾祺。 李廷玉鞠躬。十一月二十八日。

趙惟熙函一九一六年十一月三十日

少軒尊兄上將軍麾下：

久違丰范，時拟趨侍鈴轅，面聆教益。奈以蒲柳之質，一病十月，即崧生^③之日，亦不克趁車南下，敬祝千春。歉悚之懷，曷其有極。邇想康強逢吉，德威益隆為頌。弟疾病余生，倍增衰朽，刻幸醫藥有效，沈痾稍紓，然精神尚難元復，惟有不問世事，閉門靜養而已。敬有

① 徐世昌字菊人。

② 伍廷芳。

③ 指其生日。《詩·大雅·崧高》：“崧高維嶽，駿極于天；維嶽降神，生甫及申。”崧生典故即出于此。

商者，刻下政局糾紛，想愛國者久抱無窮之戚。从前因尊電嚴厲，彼黨人輩尙以有所懾，未敢躡越範圍。近則漸無顧忌，甚者彈東海、劾合肥之謬舉，日騰于報紙間，長此涓涓，將來終有潰決之一日。若輩所不足惜，其如大局何也？近來有關心全局者，意以非維持現在內閣，起用老成以改組閣員，不能濟國勢之危，而殺彼黨之燄。但同意之權，非經過國會不可。幸兩院中穩健分子，頗不乏人，刻由劉節初君璧澤，前署四川巡按使。發起組織衡社，聯絡穩健有識之議員，專以維持合肥改組舊派閣員為宗旨。附社者已近二百人。議員一項。如段芝老、李仲老、汪伯唐^①諸公，均甚贊成，並力為提倡。芝老並允撥鉅款相助。惟茲舉規模宏大，需款滋多，同人素仰我公虛懷大局，力濟時艱，特囑弟上謁崇轅，面罄一切。願弟以新瘥之體，未敢跋涉長途，爰命敝門人賴恩培字春廷，前甘肅巡警道，現充全國商務聯合會副會長。代表，趨叩節樓，道達鄙意，敢乞進而教之。種種詳情，垂訊自悉。彭城^②南望，不盡欲言。專肅，敬請台安。諸希惠照。

小弟惟熙頓首。十一月^卅初六日自八角井寄。

楊士驥函一九一六年十一月

紹帥偉鑒：

昨以壽辰未能趨祝，罪歟殊甚！前次幹臣^③來，交到交通紙二千圓，遵即收入。此次結合，乃不得已而為之。北洋派文武兩途，具天然之勢力，祇以兩院無結合機關，遂致遊騎無歸，轉為若輩所利用。自東海^④將入之際，湯、梁^⑤輩百計謀阻，唯恐或后。始則以報紙及兩院研究會派，分往黃陂^⑥處，與夫論說中均謂東海決計始終不出，即出亦不能通過。甚至謂國民黨業與東海攜手，欲操政柄云云，以致合肥^⑦

① 段祺瑞字芝泉。李經羲字仲仙。汪大燮字伯唐。

② 即徐州。

③ 錢能訓字幹臣，一九一九年徐世昌任大總統時，出任國務總理。

④ 東海為徐姓郡望。此處指徐世昌。

⑤ 湯化龍、梁啟超。

⑥ 指黎元洪。

⑦ 指段祺瑞。